

آبونه شرايطی: هر يک  
ایچون سنه لسی (۲۷۵)  
آاق آیانی (۱۵۰)  
غروشد

نسخه من ۵ فروش،  
سنه لسی ۵۲ نسخه در

اداره خانه

آنقره ده حریت اولی

قارشو شد

اخطارات

آبونه بدلی پشیندر

مسلكه موافق آثار مع  
المثنوییه قبول اولنور. درج  
ایدله یں یازیلر اعاده اولنور

# کتابخانه

۱۳۳۰

ادرس تبدیلینده آبریمجه  
بش غروش کوندر لیلدر

مکتوبلرک امضالری واضح  
واو قوناقلی اولاسی و آبونه  
صبره بوسرونی محتوی  
بولوغسی لازمدر.

مالک اجنبیه ایچون آبونه  
اولانلرک آدر تلرینک  
فرانسزجه ده یازلسی رجا  
اولنور.

پاره کوندر لیلیکی زمان نه  
داثر اولدینی واضحا  
بیله یرلسی رجا اولنور.

آبونه اهدکم سیدیل الرشاد

صاحب و مدیر مسؤل  
اشرف ادیب

باش محرر  
محمد کاف

والله یهدی من یشاء الی صراط مستقیم

اولدی. بی قریضه جزای سزاشی کوردیکنده حضرت مشارالیه  
 یازدهمی انیام بدین اولمده ایدی. تکرار دعا ایدی نه آرتق  
 قریا این اولدم ای اولو تکرم، نیم ایچون بشته بر جهاده وصول  
 ممکن دکسه، جهاددن آسیم کلدیسه هان بو آدیغ جریحی سبب  
 مؤتم قیل که بوههم و مقدس جهادک شهیدار ندل اولام. ذیهرک یا واردی.  
 قضارا جریحه سنک اوزرینه برکی اوغرامق نتیجه سنده نرف دمدن  
 حضرت مشارالیه شهید اولدی.

خلاصه اوزویا دولتری بک بقین بر زمانده آناطولی استیلا سنک  
 اسلامیت احسانک امکانزلفی ادرک ایدرک ایشک ایچون سیرانغه  
 باشلایه حق، بز مسلمانلرده عن قریب حریم عفتمز صوقولان یونان  
 خاشترینت تمامیه قهر و احسا اولدیفنی کوزمکه مایه و قریالین  
 اوله جغز توفیق و امداد الاهدن .  
 قره حصار صاحب مبعوفی  
 خواجه شکری

## تنظیماتجلیق بو مملکت ایچون محض فلاکت اولمشدر

— بو بوک ناک مجلی اعضاء محترمه سنه —

بر عصره قریب زماندن بری نور طبقه آرمنده صالغین صورتده  
 حکم سورن اصلاحات عاتنه طو تویان مفکر لر مزیک زدر، محکمزده  
 اولجهری محدود مقدارده بولونان بواصلاحاتی زمه اجنبی عرفانی،  
 فنک اصول تربیه می اوزرینه قورولان معارف فابریقه می محصول  
 ورمه به باشلا دقن سوکرا خیل چوغادی. بوزرک امور ملنده عامل  
 اولمه باشلا دینی زماندن بریدر که مملکده مجادلات اجتماع باش کوستردی  
 و بونک نتیجه سی اولمق اوزره درلو درلو مجدلر، بدعتلر، ایکلیکلر  
 حصوله کلدی.

اورویا حرشک، اورویا تأسیسات و نظاماتنک مملکته دخوانی آسویل  
 ایدی. حتی ظن ایدی که مملکتنک دوجا اولدینی انحطاطک سبی او  
 تنظیمات و تشکیلاتدن محرومی در .  
 اورویا به کیدوبده اورانک ششمه سیاه کوزلری قامشان، اولرک  
 افکار و معلوماتیه ذهنلری طولان بر طاسقم ذوات وطنلرینه عودت  
 ایند کدن سوکره آرتیق هر شئی و زوق کورمه به باشلا دیلر. مملکتی انحطاطدن  
 قورناریق ایچون موجودی بیتهرق غربیلاشمش اولان و قوف و  
 قفالیته، فرسکشمش اولان اجتماعی و سیاسی تصورلرینه کوزه یکی  
 بر هیئت اجتماعیه تشکیلی لزمه ایدیله. ملنک ماضیسنی، عفتانی،  
 اساسات اجتماعیه و دستا بر اعتقادیه سی هیچ نظر اهمیه آلمایه رق اوکا  
 تمامیه غریبه کوردکاری نظام اجتماعی و شکل سیاسی ویرمک دن  
 باشقه چاره سلامت اولمادینی ذهانه دوشدیله. حالبو که بزم بوتون  
 مؤسسانز صرف اسلامی مبدألرینه اعلای تلفلر مزدن طوغمش  
 اولدینی ایچون بونلرک برینه مبدی و تنقیات غربیه اوزرینه قورولمش یکی  
 طاقم مؤسسهرانمه ایدرک ایچور اسکولرینک ازاله سی لارم کایوردی.  
 ذاتا دولتی ترقی دن آلمویان دن اولدینی فکری بعض ذهنلر به لشمشیدی.

بظرفدن عرفی و کفی ادارلرک حصول واستقرای، دیگر  
 طرفدن دولتک زمام مقدر آتی الازنده طوتان رجا اارم و علمیه نیک  
 دوجا اولدینی عطلات و رخاوتک تأثیر ایله انحطاطه یوز طرفیه  
 باشلا دقن سوکره دوات عثمانیه بری حلول جبری، دیکری در حلول  
 مصلحانه اولمق اوزره ایکی نوع تضییق خارجی به مروض قلمشدی:  
 روسیه جبر و قهر ایله سلطنت عثمانیه بی آزماک، بر یوزندن قادیرمق  
 ایسته یوردی. اورویا ایسه مصلحانه بر صورتده دولتک عروقه حلول  
 ایدرک منافع اقتصادی و سیاسی سنی تأمین ایلک سیاستی تقیب ایدینوردی.  
 واقعا بو حرکت برنجیسی کی شدید و سریع دکله سی. اورویا بک غایبه وصل  
 اولیسی اوزون زمانه متوقفدی، بنه علیه ظاهر آتله کسز کورونیوردی.  
 فقط ملنک معویا بنه دم اجرای تأثیر ایدرک اونی تلمین، روحندن  
 ضارصق اعتبار ایله تمهیک سی اوتنه کندن دهامدهش ایدی. روسیه بر  
 آتی کی مادی حرکت ایدینوردی. اورویا ایسه ساقصای، سیاسی  
 و جرنی نفوذ ایله بر قوت کی ایچین ایچین وجود دولتی کیریسیوردی.  
 اونک ایچوندر که دوات عثمانیه روسیه به قارشق مدافعه وضعیته کچدیکی  
 حالده اورویا به قارشق قاپولتی آحق غفلتده بولونیدی. یا هلمکی  
 سزه میهرک، یا خود تحقیق اوزون زمانلرله متوقف اولدیفنه آلدانه رق  
 اوخصوصده حقیله مجادله به کیریشمدی بالکنس اورویا سرمایه سنک،

علوم و فنون مثبتنک تکاملنی تعقیب ایتدیله. ایچون غریبدن کری  
 قلدیفمز اونودولور، ترقف و انحطاط مزدن بزم رهبرلک ایدن علما  
 و رجالز اتمام اولنیورده بوتون سیئات و نقائص کحسز اوله رق  
 دینه عطف اولونیوردی اسلامک ششمه بشار بر مدنیتله انسانتی اعلا  
 ایتدیکندن، دولت عثمانیه بی امثال مز بر طوت و شوکتله آسین ایلدیکندن،  
 باخصوص مدنیت غربیه نیک سیاه اوکامدیون شکران بولوندی دن نناقل  
 ایدیلرک نافع ترقی اولدیفنه حکم ایا یلیوردی. بنه علیه اولرک کوره  
 دوات عثمانیه نیک تمایلی ایچون بوتون تشکیلات و مؤسسانتی، قوانین  
 و نظاماتی تحت تأثیرنده بولونان، ایران دینک نفوذ و حاکمیتدن حکومتی  
 تجرید ایتک، فرانسه ده اولدینی کی صرف جسمانی بر شکله قویبق

اقتضا ایدیوردی اذناً اور واپاک دولت عثمانیہ بہ قارشی خصوصت کوسترمی دین اسلام ایله متدین اولمندن طولانی دکلمدی ؟ اگر دولت عثمانیہ ، حکومتی دینک نازندن تجرید ایدر ، بوسبتون جسمانی اساسلره مستند برحکومت اکیل ایدر ، اوزمان تمهیت مالیکه مزی تکفل (۱) ایتش اولان دول معظمه تک مظهرت و توشون بزدن اسپرکه مسنه هیچ برسبب قالماش اوله جقدی ا

ایشته (تنظیمات) اعلان اولمندی صبرملرده مملکتک قدراتی اللرینه کچرهن بر قسم رجال سیاسیہ من بوسورتله دوشونوردی . طبیعی اولرده بو حالت روحیه بی حصوله کتیرهن غرب عرفان ، غرب تحصیل و تربیه سیدی . مصلحانه بر صورتده عروق حیاتیہ سنه حلول ناهات عثمانیہ بی ایچندن کیرمه به عزیم ایدن اور و پادشا بوفکرکی الهام ایتمکدن گری طورماز ، هر فرصتدن استفادایا زهرلری صاچاردی . بو اوغورده صرف ایتدکری میليونلر ، اختیار ایلدکری زحمتلر جداشایان حیرتدر . کم ادعا ایدم بیلرکه اور و پالیرک بزه قارشی اصلاحاتک لزومندن بحث ایتلری دولت عثمانیہ تک خیرینه ، حقیقه ترقی و نمالینه معطوف ایدی ؟ هیچ شبهه یوق که بونون مقصدلری دولتک بنیة اجتماعیہ سنده بر صادمیتی حصوله کتیرمکدی . دولت عثمانیہ بی انوی التکیه حکومتدرده سنه اصعاد ایدن اساسات دینه دن اوزاقلاشدیرمق اور و پالیرک عمده آمالی ایدی . وزیرلر مرکز محرم اسراری ، رجالرک خیرخواه مستشارلری ، چوققلر مرکز امین مرسیلری اولور ، متادیا ذمه ناره بوفکرلری آشیلایرلردی .

انکار اولونماز که دولت عثمانیہ توفیق و انحطاطه باشلامشدی . فقط بونک حقیقی سببی بحری ایتک وارکا کوره اصلاحی چاره سنه توسل ایله مک اقتضا ایتزمیدی ؟ دینک هانکی نقطه سی ، هانکی دستوری ماتی ترقیدن آلیقویعشدی ؟ سلطنت عثمانیہ تک عصرلرجه شوکت و عظمتی تأمین ایتش اولان شریعت کرسیلریله مدرسلر ، یعنی عدالت محکمه لریله علم و عرفان مؤسسہ لری اگر اسکیمی کبی وظیفه لری ایضا ایدم یورلر دیسه اولری اصلاح ایدم جک چارلری بولمق و تطبیق ایتک لازم کلمیدی ؟ تنه ایلتحییر نه یه اولری الیم بر وضهیت ایچنده بر ایدیلرده اولرک یانی باشنده فرانسر محکمه لریله فرانسر مکتبلرندن باصمه قالب آلتش اولمندن طولانی محیط ایله اصلا مناسبی اولیان ، مملکتک مزده بالذات فرانسه قدر یابانچی اولان بی یکی طرزده محکمه لر ، مکتبلر وجوده کتیردیله ؟ تنظیماتیک شریعت محکمه لریله مدرسلری بوسبتون قالدیرمایه رق او وضعیته بر اقلرینه کندیلرندن دها عقلی ، دها قدر شناس اولان ختک او و سسه لره قارشی مربوطیلرندن چکینمیلرندن باشقه عجبا بر سبب کوستربله بیلمی ؟ مرور زمان ایله اولرک کندی کندینه چوکلری فکرنده بولوندق لری انکار اولونه مایه جق بر حقیقه قدر . ایشه تنظیماتدن صوکره وجوده کتیریلن یکیلک لرک هینک

اوزرنده بزم تلقی انمزه برم ، مبدلری مزه قارشی درین بر خصوصت روحنک بوتون نظاهرانی انطباع ایتش اولدینی واضح بر صورتده کورولور . (تجدد) دیسه توصیف ایدیلن بویکیلک لردن دولت و ملت عجبا نه استفده ایتی ؟ استفده شوبله دورون ، عصرلردن بی تأسیس ایتش عقائدی ، افکاری ، تلقیاتی ، عذمتی ، حیاتی ، اخلاقی خراب ایتی ؟ سوزک قیصه سی مملکتی نام بر فرضای معنوی به طوغر و سرورکله یوب کونوردی .

اودورده کی رجال حکم متمز صاندیلرکه : مؤسسات غربیه نقایدلرینی و برارنده اور و پالیرک تقیلرینی ، مبدلری کتیر یورمکله اورو حکومتلرینک محبتلرینی جلب ایدم جکرده بوسورتله اسکی خصوصت لرینی تخفیفه ، اسکی خودکاملق لرینی تمذیله موقفی اوله بقار . بو باطل ظن اوزرینه مملکتی اسلامدن اوزاقلاشدیرمق عجز ریت قطعیه نیده بولوندر . قرینه قانع ایلیر . فقط بوقدر فداکارانه مقابل اور و پاننه خصوصتینی تخفیف ایتدی ، ناه ، خودکاملق لردن ذمه قدر تمذیله بولوندی . بالعکس دولتر ضفه اوغرادقجه اوزرینه چولاندی ، تشنه درشدک دریسینی یوزمه به شتاب ایتدی .

ایشته مملکتک یکی بر شکل ویره رک ، دولتی تخلیص و اعلا ، ملتی سعادتیه ایصال ایدم جک ( اصلاحات ) و ( تنظیمات ) ک نتایج اجتماعیه و سیاسیہ سی اذاتام مقصده بوایدی . نتیجه مقصده کوره ظهور ایتدی . فرانسه سفرا سندن ( آنکلهارد ) « دولت عثمانیہ تک تاریخ اصلاحاتی » عنوانلی اثرنده تنظیماتک اساسی وغایه سنی شوصورتله تعریف ایدیور ، دیورکه :

« تنظیماتدن مقصد عمرمی هیئت اجتماعیہ اسلامیہ بی عصرلرجه زماندن بری معنی و سیاسیة آیری باشامش اولدینی هیئت اجتماعیہ خرسیتانه به یاقلاشدیرمق ( یعنی اسلامدن اوزاقلاشدیرمق ) ایدی . بویله بر تشبیک موجب اولدینی مشکلاتک ماهیت مخصوصه سی حقیقه شبهه و ترده محل بوندر . هیچ شبهه یوقدرکه عثمانلی امپراطور لغنی قرون وسطا تک ظلمت کشفه سی ایچنده کوندن کونه دها زیاده باتیره رنی نهایت کونک برنده بوسبتون نابود اولمسی انتاج ایدم جک کبی کورونمیش اولان مؤثر ، حکومت عثمانیہ تک اور و پاننه هیئت ده لیه سی خارچنده حال افرادده قلمسی ایدی . بوانفرادک سبب حقیقیسی ده دین ایدی .

« فی الحقیقه حکومتی تأسیس ایتش اولان اسلامیت ، ناظم و حاکم مطلق اوله رق قالمشدر ؟ تشکیلات ملیه ایله عقائد دنییه یکدیگریندن تفریق ایدیلمه به جک صورتده قاریشمش اولدینندن تشکیلات ملیه ده عقائد دنییه کبی لایتنیر و قطعی ایدی .

« تورکیانک آرتق رنده استغنا کوستره میه جکی انتلافی حصوله کتیرمک ایچون اورته ده کی مانعه بی یابوسبتون ازاله ، یا خود تخفیف و تسویه ایتک یعنی حکومتی عالم خرسیتاننده اولدینی کبی قوانین دنییه تک

تأثيراتندن آنچوق آزاده برحاله كتيرومك رونخايتندن دنويته  
(يعني لائيك - لاديني برتلكه) تحويل ايله مك، يا خود عقائد اساسيه سني  
سربستجه تفسير ايتك صورتيله ياواش ياواش تحدييدات و تقيديات  
دينيون قوتارمق ايجاب ايديبوردى .

حكومت عثمانيه هرشيدن بك چابوق متأثر ومنفعل اولان جاهل  
ومتعصب برخلتك موجب اغبرارى اوله حق حالاتدن احتراز ايتريكي  
ايچون بو ايكنجى شقى اختياره قرار و برمشدى .  
انكلههارد ، تنظيماتك علتنى ، غايه سنى ، دساتير اساسيه سنى بك  
آجيق برصورتده ايضاح ايديبور : علتى دين ، غايه سنى دولتك تخليص  
واعلاسى ، دساتير اساسيه سنى ده :

- ۱) دين اسلامك بوسبتون ازاله سى ،
- ۲) حكومتك ديندن تفريقى ايله لائيك برحاله افراغى ،
- ۳) دينك سربست تاويلات ايله تحريفى .

انكلههارده كوره حكومت بونلردن ايكنجى ويا اوچنجى به قرار  
ورهرك ايشه باشلامش .

فى الحقيقه اصلاحات نقطه نظرندن مملكتكمزده حكم سوردهن افكار  
شقى ايچنده بو دستورلك بريى آرقه سندن اولسون قوشمايان بك آز  
كبي ايدى . هب تهصبه قارشى يوروديكفى درميان ايدوب طوران و بو  
نكله ايله دين اسلامك حقيقتنه خصوصتقى ابرازدن خالى قالميان و بونكده دولتم  
دولت اولمادىنى صورتده انسانيتنه خدمت ايتديكى زعمنى اظهار ابله ين  
وطلده تهصبه يكانه مثال تشكيل ايدن افكار هب بو دستور تهليل ايله  
صايتمشدر .

آنكلههارد جنابلىرى بالاده كى افكار ليله اصلاحاتك غايه سنى دولتى  
ياقمى ، يا خود بيقيمقى اولديغى برسفير آفرينه ياقيشه حق بلاغت ايله  
بك كوزل ايضاح ايديبورلر . هيچ شهبه بو قوركه بودستورلرله باشلايان  
اصلاحاتك دولت عثمانيه ين بيقيمقدن باشقه برنتيجه ويرمى احتمالى بو قدى .  
چونكه عالمده هيچ برشى تبديل هويتله اصلاح ايدياه من ، اننا ايديلير .  
ابى اواسى آرزو ايديان بر خسته نك قبي كسيلوب آتيله من . باكه  
اونك تقويه سنه اعتنا ايديلير .

علمه ، عقل و حكمته ، ملتلك احوال روحيه و اجتماعيه لرينه كلياً  
مخالف اولان بو طرز حركتك دولت وماتى سعادت وسلامته چبقارير  
بربول اولمادىغى بر آز دوشونور قفاسى اولانلر بك اعلا آكلايه بيليردى .  
صلاح و سلامت دكل ، بالمعكس بو ، دولتى طبيعت اصليه سنى خلافه  
اوله رق دائما استبداده طوغرى يوروتك ، افكار عموميه مليه يي حكمدن  
اسقاط ايدرك اراده دولتى محدود اللرده طويلاق ديمكى . نته كيم  
دوره اصلاحات و تنظيماتدن بري دولت دائما استبداده طوغرو توجه  
ايلش ، دائما قانوندن زياده اداره عرفيه تطبق ايله به مجبور اولمشدركه

اك صوكنه اعلان ايديان مشروطيت دورنده اسكى دورلردن زياه  
استبداد حس ايدى سنى ، مشروطيتك استبداد منوره تفسيرينه لزوم كورونمى  
هپ بوندن منبعت اولمشدر .

بن بوندن طولاسيدركه دوه اصلاحاتده ياپيلان قانونلرلك هيچ  
بريسى جدى بر قانون اوله مامش ، هپى بر تحول ، بر انقلاب  
بروباغانداسى ماهيتده قالمشدر . قانون ممكن اولديغى قدر ثابت اولمق  
وروح ملنده ير بوله رق منتظم و مستقر بر رضىيت اجتماعيه حصوله  
كتيرمك ايچون ياپيلير . كورستارلوبونك ديديكى كبي ، قانونلرله تحول  
وتجدد ياقى ، انظام اجتماعى يي محل و حكمت تشره به مخلقدر . بزم  
قانونلر يمايه هپ بو قبلدند . اونك ايچوندر كه تابلرده اصلاحاتقودى  
بو قدر . تحول ، طبيعت و فطرت حياتده حاصل اولور . قانونلر بونى  
تايت ايچون تعديل اولونور . فلفله حقوق بونى كوسترديكى كى فقه  
اسلامك قواعد اصوليه سنى ده بونى ناطقدن .

ايشته شو ايضاتم ايله آكلاشيدوركه اصلاحاتى دين اسلامك  
عليه نه توجه ايدن ومع الناسف تلميقته باشلامش اولان فكر و مذهب  
هپ حس تمثله ، قوتلى بر تهصبه قاپيله رق ، دولتى دائما اوچورومه  
سوروكلكمك ايچون بالاده كى دستور تهليلي ذهنته قويه رق قدمه لرند  
گاه بريكنه ، گاه او برينه باصممش و حكومتك ديندن تفريقى درديه  
هرخطوه ننده برايكلك احداث ايتمشدر . اصلاحات و تنظيماتنجيلر ،  
جسمانى اصوللرى كنديلرينه رهبر حركت اتخاذا ايلدكلى حالده مملكتنده  
وجوده كتيردكلى آثار ايشته ميداند در! ترقى شويله طورسون ،  
انحطاط مدهش صورتده آرمش ، مملكت بائندن باشه خرابيه  
دوتمشدر . آردى آرقه سنى كباين استقر ضرر هپ تنظيماتنجى بكارك ،  
باشالرك و افنديلرينك معاشرينه ، تخصيصاتلرينه ذوق و صفارينه منصر ايديلش  
بريدن خالق ، تهاديا فلاكتدن فلاكتنه ، سفالندن سفالته - سوروكلوب طررمشدر .  
بويوك بويوك آثار نافعه ومدنيه شويله درسون ، عادى شوسه  
يوللرى بيلاه ياپيله مامش ، ترقى نامنه مملكتنه غمبك يالكنز لوئياتى  
كلشدر : عشرت مملكتك هر طرفنى قابلامش ، خفيات قانونا مباحات  
صيره سته كچمش ، سوء اخلاق آله بيلديكنه توسع ايتمشدى . عناصر  
آره سنده منافرات منقابه تأسس ايلش ؛ اجتماعى تشنتلر ،  
سياسى احتراصلر ، شخصى منافرتلر مملكتى مدهش بر فترت اجتماعيه  
وسياسيه دوشورمشدى .

ايشته اصلاحات و تنظيماتك مادى ومعنوى محصوللرى !

عجبا مشروطيت ، اصلاحات و تنظيمات دورينك جسم دولنده  
آجديغى بومهلك رختلرله چاره ساز اوله بيلديغى ؟ يوقسه اودورك  
رجالى ده عبنى علتله طوتوله رق ، هپنى سقيم دستورلرى تهقيب ايدرك  
دولت وماتى دهامش فلاكتلر مى - سوروكله دى ؟

بوسبوالک جوانی ادارہ استبدادیہ نیک بیقلمسی و مشروطیتک  
تأسیسی خصص و صندہ بوبوک فدکاراقرده بولونان و برخیلی زمان  
مشروطیتپرورلرک رئیس بولونان صدر اسبق پانس سعید حایم پانسا  
حضر تارندن دیکایلم :

« قانون اساسینک ادارہ حمیدیہ نہایت ویرہ جکی حقندہ کی امیدلر  
بوشه جبمادی . فی الحقیقه قانون اساسینک اعلانیله برابر ادارہ  
مذکورہده رهین اندراس اولدی . فقط مملکتک حصول سعادت حالی  
ایچون پرورده ایدیان امیدلر محقق ایتش اولمادی . مجلس مبعوثان  
عثمانی خاقان مخلوعک کندینده تمرکز استدرمش اولدینی بوتون نفوذ  
واقنداره توارث ایتدیکندن خاقان جدید اجدادیک تحت سلطنته  
جلوس ایتدیکی زمان مقام سلطنتی اک اساسلی واک زیاده غیر قابل  
انکار حق و امتیازاتندن تجرید ایدلش بولدی . قوه اجرائیه ،  
مستبد بر بادشاهک بوبوندوروغندن نفوذ و اعتباردن مبرا ، تجریددن  
محروم و کندینده صورت خود برانه بخش و اضافه اولونان حقوق و امتیاز  
زات مفرطی سوه استعماله محکوم بر مجلسک بوبوندوروغنی آلتنه  
کچدی . شو وصایت مستبد و تشمت کارانه آلتنده قوه اجرائیه ادارہ  
حمیدیہ زماننده کندن دها دون بر درکیه تنزل ایدرک هر طرفه  
انتظامسزاق و عصیان حصوله بادی اولدی و مملکتی مادی ، معنوی  
فقرت کایه سوروکادی . دها مشروطیتک اوچنچی سنهسنده فذالق  
جالب اندیشه اوله حق بر درجه به واسل اولدینندن بو فذالق نه کبی  
اسبابدن تولد ایتدیکی کمال ذلتله تدقیق و تحری به لزوم مبرم حس  
ایدیلدی . یاپیلان خطباتک ماهیت و وسعتی نهایت الامر آکلاشیلدی .  
بو فذالق باشلیجه مسببی مجلس مبعوثان اولدینی تحق ایتدی و  
کوجلسکله ضاغیلدی ، درحال ایکنجی مجلس مبعوثان انتخابه  
باشلانیلدی و نتیجه انتخابنده اولکنه فائق بر مجلس ملی مملکت ایتدی .  
مجلس جدیدک اولسکی آجی تجریدلر دن استفاده ایده جکی و قانون  
اساسی بی دها جدی و محکم اساسله بنا ایله جکی و اولسکی مجلسک  
ادراکنه موفق اوله مادی ادارہ مشروطیته بر حیات و فعالیت جدیده  
ویرمه به موفق اوله جی امید اولونمشدی . فقط بو بیچاره مملکتی  
تعقیدن کری طور میان مصیبت ، مملکتک بو دفعهده پک بهالی به  
مال اولان بر تجریدن استفاده ایتسنه واک مشروع امیدلرینک  
حصول پذیر اولدینی کورسنه مساعده ایتدی . ایکنجی مجلس مبعوثان  
اجتماع ایدر ایتز بر ضربه ناکهانی ایله طاعیلدی و بو بدبخت مملکت  
اک آجی فلاکتله دوشدی . حال بوکه قانون اساسینک اعلانی نه قدر  
امیدلر و خیالراویندیرمشدی . اعلانیله هر کس غایه خیالیسنک  
حصول پذیر اولدینی ظنده بولونمشدی .

« حیانتک اوتوز سنهسنی اک زیاده ماحی اخلاق بر ادارہ مستبده

آلتنده کچیرمش اولان بزلر بو سایهده حر انسانلر ، قضیاتپرور ،  
عقیف و مستقیم افراد زمره سنه داخل اوله جغمنز ظنده بولوندی .  
قانون اساسینک احوال اجتماعی و سیاسی و اقتصادی مزئی اقسامه  
صباحه تغیر ایتک قدرت اعجازنمائی حاز اوله جغنی ، ذلیلانه اولان  
اختلافات داخلیه مزئی بزه اونودیره جغنی و جمله مزئی یالکیز وطن  
عثمانینک شان و عظمتی تخیل ایدر بوبوک و نجیب برعائله عثمانیه حالنده  
مزج و توحید ایلیه جکفی امید ایلندک .

« حیفا که دها ایلك سنه دن اعتباراً بو طاتلی امیدلر ، بو کوزل  
تخیلار اوچرب کیتدی . قانون اساسینک بزه بخش و تأمین ایتدیکی  
حقوق و سربستی ، ادارہ حمیدیہ نیک درجه نهایی ده توسیع ایتش اولدینی  
بوتون سوه اعتیاد اتیزی بی محابا استعمال ایتکله کزدن باشقه بر  
تمره ویرمدی . اجتماعی نقطه نظر دن بونلرک تأثیری آنجق اصول  
و عادات ، صنوف و طبقات اجتماعی نیک هب بردن رفی یعنی هر ج  
و مزج تام حصولی صورتنده تخی ایتدی . اک مترقی و مسعود ملتار  
درجه سنده احراز حقوق ایتک داعیه طفلانه سی بزئی مدعیاتزده  
ایلری کوتوردکچه کوتوردی و حرص اشتها مزئی ارتدیرمش اولدینندن  
احوال اقتصادی مزئی بزه هر زماندن زیاده تحملمفرسا کوروندی .

« هرکس دها زیاده نائل حضور و سلامت اوله بیله جکی امیدنده  
بولونمشکن بالمکس عمومک فقدانی حضوری تزیاد ایتش و هرکس  
کندینسی اسکیسندن زیاده فالغه معروض قالمش بولدی . چونکه  
هرکس جرأت و تجاوزینی ارتدیرمش اولدی . هرکس یکذیکرینی  
بی محابا اضراره قیام ایلدی .

« ملیت مجادلاتی ، قومیت استرقاباتی کیتکجه آرتهرق عثمانیلر  
آره سنده مشترک برضایه نیک وجودینی محو ایلدی . دونکی جاسوس و مرتشیلر  
باشمزه حر تپرور ، مجدد و وطنپرور آسیدیلر . ایشسز و کوزه عادی  
بر آووقات حقوق عوامک مدافع شدید اولدی . عاجز مرتکب مأمورده  
حرارتلی بولتیله جی کسیدلی . کویاکه بوتون مملکت اوزرندن بر جنت  
روزکاری و زان اولیوردی .

« ایشته بودفمه دخی ضرایلر طرزنده نائل تجدد اولمق خصوصنده کی  
تجر به من موجب تألم اوله جق بر صورتده هبا اولدی . شیمدی به قدر  
وقوع بولان تجاربدن دها زیاده حاز اهمیت اولان شوصوک تشبث  
دیگر تجاربدن زیاده بادی مصائب اولدی . » [۱]

بو قدر مساعینک ، بو قدر اصلاحات و تجددتک هیچ بر فاندینی  
انتاج ایتهمسی ، بالعکس مصیبت و فلاکتلر مزئی آرتیرمسی ، دولت  
و ماتمزی دها الیم بروضه یته القا ایتسی عجبانه دندر؟ مشارالیه حضر تلری  
بونکده جوانی و بریورلر :

[۲] مشروطیت - ایکنجی طبعی : صحیفه ۷-۹ - تاریخ طبعی ۱۳۳۵  
برنجی طبعی ۱۳۲۹ ده در .

« بوجه مساعیزك بویله علی الدوام دوچار عقامت اولسی مملکتی طریق تجدید و اصلاحاته ادخال ایچون یاریم عصر لقی بر زماندن بری تطبیق و اتخاذ ایتمش اولدینمز اصولک محض خطا اولدیننده شبهه بر اقیور .  
 « شوخمای مشئوم مملکتک حصول سعادت حالی ایچون ساده چه اوروپا قوانینی متلرینک ترجمه ایدیلدی و بونلرک بزده قبول و تطبیقی بهانه سیله بیضا تحریفی کافی اوله جنی حقیقده بزده موجود اولان قناعت مندره . مثلاً اصول عدلیه منزی اصلاح ایچون فرانسه نیک یعنی بزم هیئت اجتماعیه منزه اصلاً مقیس اولیان اصل و منشأی ایله حالت روحیه سی ، عادات و تماماتی ، سویه عرفان و مدنیتی بک متخالف بولونان و بنیاء علیه احتیاجاتی بک کثیر و متنوع بر هیئت اجتماعیه نیک اصول عدلیه سی قبول ایتدی . فرانسه نیک اصول عدلیه سی حالت و مکملیتی ایله بزنی جذب ایتدی و بو اصولک بزجه قبولی ایچون کافی کورولدی . حال بوکه هیچ کیمسه بو اصولک فرانسه یه هیچ بر صورتله بکزه مین بزم کبی بر مملکت ایچون موافق اولوب اولما به جنفی دوشوندی . معارف عمومی منزی اصلاح ایچون دخی یینه تمامه یله بویولده حرکت ایتدی . بالطبع اله ایدیلان نتایج ده ها مضر اولدی . طاقت قیمتدار بروقت ، برده بر قاج نسلار ضایع ایلدکن صوکره بونجه فدا کار لقلرک اختیار یله جووده کن شیئی بوزمق مجبوریتده بولونیورز . « بو قدر نتایج معکوسدن صوکره یینه غریبی اورا سیدر که تجارب و عقل سلیمه منافی اولان بو اصول یینه اعتباردن دوشمه مش کورونیور . بزم شیمنی به قدر هیچ بر اصلاحات اجرانسه موفق اوله مایشمز دائماً بزجه یاییامسی مضر اولان و یا خود یاییلمسنه امکان اولیان شیملری یایمق ایسته مش اولقلغمز دن نشأت ایتدیر . ایشته اصل سبب یکانه بودر . بزم الک مکمل واک مقتدر عناصر مزدن استفاده ایدمیشمز (اصلاحات) نامی آلتنده لاینقطع مملکت ادخال ایدیلان بدعات و تجدیدات ایله انهدن استفاده نیک امکانی اولدیندی حالده الک انی عنصر منزی بونلری تطبیقه مجبور ایدرک سی و غیر تلرینک ایجا ایدیلسندن . چونکه مجدولر بز انسا نلرک قوانین و نظامات ایچون دکل ، بلکه قوانین و نظاماتک انسا نلر ایچون وجوده کتیر بلش اولدیندی حقیقتی هیچ بر زمان آ کلابه مامشدر . بر فرانسه صورو کز که : اکر فرانسه رجال حکومتی قومشوری بولونان انکلز لرک قوانین و نظاماتی تطبیقه قالدیشه جنق اولور لایسه فرانسه نیک حالی نه اولور ؟ بوکا جواباً : فرانسه نیک موجب بحری اولور ، دیه جکنده شبهه یوق . چونکه فرانسه نیک بحرای طبیعی انکشافی بوزمش اولورلر . و بنیاء علیه آنی بر موت محققه محکوم ایلش اولدقلری بلا تردد سویلرلر .

کورولیور که تنظیماتده اولسون ، استبدادده اولسون ، مشروطیتده اولسون ، حاصلی هانکی دورده اولورسه اولسون بزده بر زمرة مجددین واردر که بونلر مملکتی غریبلاشدیرمق ایچون مختلف شکلرده صحنه دن صحنه یه آنلایوب طور مقدرلر . بونلر البسه دیکشدر برکی شکلدن شکله گیرلر . فقط روحلری اصلاً دیکشمز . وصف میز لری ثابتدر : غرب پرست ! بیضا آچیقدن آچینه غریبلاشمق دن بحث ایدرلر . بونلرک اظهارنده محذور کوردکاری زمان اوکا معارض کورونیورلر ، موداده کی صفتی ا . تساب ایدرلر . فقط افکار و حرکتلرینی تدقیق ایدیکمز ، روحلرنده غرب پرستلرک بوتون زنده لیکه یاشادیندی آکلار سکز . چونکه بونلرک بوتون سرمایه صرفانلری ، حمله معلوماتلری غریبکدر . اکر غربیک مؤسسات و نظریاتی حکمدن اسقاط ایدمک اولورسه کز اولنرک علمی ده صفره منجر اولمق تهلاکسی واردر . حال بوکه او مثلاً علمای حقه قدن ، یا خود معارف و تربیه متخصصی ، یا خود ده اجماعی بوندندر . اما هانکی حقوق ، هانکی معارف ، هانکی اجتماعیات ، طبیعی یا فرانسز ، یا انکلز ، یا آلمان . کندیینه بونلرکدن بحثه قالدیشه جنق اولورسه کز ایسی در حال معالطیه بوغار . عرفانک ، اجتماعاتک وطنی یوقدر ، دیر . معهود نظریه لری سرده باشلار . کرک حقوقی ، کرک تربیه سی ، کرک اجتماعاتی بر چوق فرانک اسملری زبر له مش ، فرانک نظریه لری بلله مشدر . اولاری اورته یه دوکر و « بو علمدر . بونلرک خارجنده سوز سویلانه منز . « دیر . ده فاضله اعتراض ایدمک اولورسه ، کز الهه متعدد تمالار واردر : شرعیتی ، مرتجع ، مستبد . . . بونلرکدن برنی در حال یاییشدیرر . آرتیق او وقت مسئله علم کرسیندن ضابطه او طه نه انتقال ایدر .

ایشته بزم مشروطیتی علمی حقوقک ، تربیه و اجتماعیات متخصصلرینک مملکتده . کندی تعبیر لریله - یارانقلری مؤسسملر ، تنظیم ایتدکاری قانونلر هب بو علمی و اجتماعی ( ۱ ) طریق لره وجود بولدی . ملتلرک احوال اجتماعیه و روحیه لری ، عادات و عئنه لری ، تفکر و تصوراتلری ، بادی و تلقیات حقوقیه لری اداره عرفیه ایله دیکشدر مرک دنیانک تره مننده کورولمشدر ؟ لرننده کی کتابلر : « قانونلر خلنک احوال روحیه و اجتماعیه سنه ، اراده و تمایلاتنه او بیون اولمق اولمق ضروریدر . « دیدیکی حالده اونلر بوتون خلقی صرف کندی نفازیننه ، کندی فرنگلشمش تصور لرینه کوره یوروتمک ایسته دینر . عدلی اولسون ، معارفه متعاق بولونسون ، بوتون اجرا آتلری یاقیندن مال قاجر رجسته وقوع بولدی . حال بوکه باشقه مملکتلرده بر شیئی برندن او بیاتمق ایچون قیامتار قویار ، بوتون ارباب علم و تفکر نقطه نظر لری اورتیه قویار ، غرتلر او مسئله حقیقده کال سربستی ایله بیان مطالعه اتده بولنور ، خلنک آرزوسی ، احتیاجاتی ، تمایلات روحیه سی کال اهمیتله نظر دفته آلتیر ، حتی بعض مملکتلرده

« ایشته کورولیور که بوتون فنالقلرک اصل منشأی بردر : یعنی قوانین و مؤسسات اجنبیه نیک قبول و ادخال یله مظهر تجدید و ترقی اولقلغمز لزومه بزجه قناعت حاصل ایلک خطاسیدر . « ۱ »

[ ۱ ] مشروطیت - صحیفه ۱۰-۱۳ ایکنجی طبعی .

عصره مکتبلمزك روحانی و ظاهری تعلیم ایله اشتغال ایدی  
عصرک ترقیاتی اوکنده مدعش کبازدن ایدی . معارف بوگون  
آرتق بر علم مسئلهسی اولمشدی . دینی تحصیل مملکتک  
استحصالاتنده عامل اوله مازدی . منحصراً مادیات اوزرینه مبتنی عصر  
حاضرده آرتیق مکتبلمزك تمامیه ( لائیک - لادینی ) بر حاله قویق  
ایجاب ایدردی . مملکتده ایکی معارف اولمازدی . مدرسه ذهنیتی  
حالا یاشاوردی . ایشه تنظیماتجیلر بومشله بی ده اساسی بر صورتده حل  
ایده ممشلردی .

« صوکره مملکت حیات اجتماعیسی ده قرون وسطائی ایدی اقادین  
حالا ارککک اسارتنده ایدی ! خرسنجان عادتندن باشقه برشی اولمیان  
تستره رعایت ایدیوردی . حال بوکه عصر حاضرده قادین حیات  
اجتماعیه اشتراک ایشدی . قادیکن اودن طیشاری چیقیمی ، ارکککه  
اوموز اوموزه چالشمسی اقتضا ایدردی . صوکره تیاترو بکرمنجی  
عصرک تربیه اوجانلیدی . خلقک ذوق بدیمسینی انکشاف ایتدیرک  
لازمه مدنیت ایدی ... »

ایشته اوغرب دست زمره مشروطیت دورنده ده بویله سویایور  
بوستورلره کوره اجرا آند بولونیوردی . اداره هرقیه آلتنده انقلاب  
اجتماعی یاییوردی . محاکم شرعییه پی مشیختدن آلیور ، فتوا خانیه  
اهمیتدن اسقاط ایدیوردی . تربیه دینه اساسی اوزره اجرای تدریس آند  
بولونیور ، دینه اوقاف مکتبلمزك سد ایدیوردی . مکتبلردن دینک  
تقوینی قالدیریوردی . قادینی ستره حجابدن تجرید ایدیوردی .  
مملکتده ایشسر کوجمنز برچوق کتجلر اولدینی حالده حسیات  
اسلامیه رغماً قادینلری نظارتلره تولدوریوردی . یعنی تنظیماتجیلرک  
اکسیک بر اقدینی ، خلقک انفعالندن چکیندیکی ایچون یا مادینی  
اجرا آتی بونلر اکل ایدیوردی . هله صوکره زمانلرده اوقدر  
چیلغینجه سنه اجتماعی انقلاب دردینه دوشمشلردی که بر آزدها اجرای  
حکم اید بیا سله ردی دین ایله حکومتک تقریبی رسماً اعلان اید بچکره ،  
شیخ الاسلامی هیت وکلادن اخراج اید بچکره ، دولتک دینی دین  
اسلام اولدینی قیدینی بیله قانون اساسیدن قالدیره جقلردی . یعنی بالاده کی  
آنکه اهاردک برنجی دستورنی تطبیق اید بچکردی . بولری باقی  
ایچون ( مسیلمه لکذاب ) لرینک بر اشارتی ، بر فتوا سی کافی ایدی .

ایشته بونلر تنظیماتجیلری بو نقطه دن اتهام ایدیوردی . تنظیماتجیلر  
جندری بر صورتده حرکت اتمه مشدی . قرون وسطانک مؤسسات  
وتلقاتی ، هرب حقوق و قوانینی ، هرب اجتماعی بیقه مامشلردی .  
عصری حقوق ، عصری معارف ، عصری اجتماعیاتی تمامیه تأسیس  
ایده ممشلردی . اصلاحات و تنظیماتی نقصان یامشلردی .  
بالکنر شوزاسنی قید ایچک اقتضا ایدرکه مشروطیتی تأسیس

طوغوردن طوغرویه خاقلک انکار و آراسنه مراجعت اولنور ؛  
اوندن صوکره مملکت احوال روحیه واجتماعیه سنه اک اوینون شکل  
هانکیسی ایسه او قبول اولنور . یعنی خلقک آرزو و اراده سی بر  
قانون مخصوصه تثبیت اولنور . بزم مشروطیت برور حقوقجیلر ، اجتم  
عیاتجیلر ایسه کندی سقیم تصورلرینه کوره بر « حال جدید یاراتق »  
ایسته دیلر ؛ آقشام دوشوندکاری فرداسی قانون شکلنده ملته تبلیغ  
ایتدیلر . اما قانونلره تحول و تجدد یاتق ، انتظام اجتماعی بی محل  
وحکمت تشریمه مخالف ایش ؛ اولون ، « العوام کالهوام » خلقک  
آرزوسنک ، اراده سنک نه حکمی وار ؛ اولر ، حقوق واجتماعیات  
متخصصلریدر ؛ بوتون خلق بر آریه کسه اولرکی دوشونمیز ،  
تصور ایدمیز ، بر انقلاب اجتماعی وجوده کتیره میز ، یعنی ( یکی  
حیات ) یارانه ماز ؛ « انقلاب اجتماعی ، یکی حیات » دیدکاری ده  
غریک حیات اجتماعی سنندن باشقه بر شی دکل .

بونلرک بر قسمی ده تنظیماتجیلرک علمنده بولوندی . فقط شوراسنی  
آیریق لازمدرکه بو علمدارلق غریک قوانین و مؤسسای تقلید  
ایتدکرندن طولایی دکل ایدی . جبارت مدینه کومستروبده قرون  
وسطایادکاری اولان اسکی مؤسسای دفته و تماماً قالدیرمادقیری ایچون  
تنظیماتجیلری تتمد ایدیوردی :

« بیک سنه اولسکی هرب حقوقی فلسفه سنندن ، بالذات هرب  
حقوقندن ملهم اولان شرعی تشکیلات و قانونلرک الهی بر مشروطیت  
وصداقله تطبیق ایدیلدکاری زمانلرچوقدن چکمشدی . لزومسز وقوری  
بر تعصب حالی آلان جاهاجه اعتدالره ( کایخانه خط هایدنی ) نک  
تشر و اعلانه قدر محافظه اولونان بوشرعی تشکیلات و قانونلری عصری  
بر دولت قورمق ایسته میز ؛ دولتک تجدد اولان احتیاجنی تام بر قناعته  
ادراک ایدن ، بویوک دینمکه شایان فداکارلر ایتجام ایدن  
تنظیماتجیلر حکمدن اسقاط ایدرک الهی دوره نهایت ویردیلر سده  
زمانم حقوق فلسفه سنک ، حقوق تاریخنک مطیلری موجب  
یکی بر تشکیلات وجوده کتیره ممشلردی . بکرمنجی عصرده حال روحانی ،  
شرعی محکمه لرک وجودی عفو اولونماز بر جرمدی . بر مملکتده ایکی  
محکمه ناصیل اولوردی ؟ بر دولت که حقوقنی کندی طوغورماز ، قانونه  
« کوکدن اینش بر کیشمه میز . « دیرشی ، او ، اصلا بر دولت دکادی .  
« عصرک حقوقی فلسفه سننده غایه ، زمانمک حرق ذهنیتندن ملهم  
قانونلرک تطبیق ایدی . بویله ایکن بز ناسل اولورده بیک سنه اولسکی  
( ربانی حقوق ) ایله توزیع عدالت اید بیلر دک . ؟

« کذلک تنظیمات بر معارف مؤسسای حصوله کتیرمش ایسه ده  
مکتبلمزك دینک تقویندن تمامیه تجرید ایدمه مشدی . بو خصوصده  
( جندری ) حرکتده بولونمیه ، ایشی کوکنندن حل اتمیه موفق  
اوله ماممشدی . مدرسه لرک تاثیراتی مملکتده حال باقی ایدی . بکرمنجی

ایدن خریپرورلرک بلا استناهیسی بو فکرده دکل ایدی. ایچلر نده بوتون مائله برابر، مملکتی فلاکتیه سوروکله بن بو احوال دن متأثر اولانلرک چوقدی. اولنر خصوصی برزمه، برطاقه ایدی. شروطیت، یاخویدمایت پرورلرک پرده سنه بوروش ضرب برستلر ایدی. کیت کیده بوتون نفوذ و قدرتی الیرینه کچیر. رک شخصی دوشونجه لرینی، فرنگلش مش تصورلرینی موقع فعله قویمه به تشبث ایشلردی. بو حرکتلری هیچ شبهه یوق که تامیله فضولی ایدی. عینی مذهب سیاسیك همان اکثری منتسبلری اولنرک افکار و تصوراته معارض ایدی. حال بو که اولنر هیئت همرمیه نك شخصیت معنویه سی فائمه حرکت ایدیورلردی. و بو یوز دن مملکتیه متادیا سیاسی و اجتماعی منافرت نهملری صاحبورلردی. بالطبع بو بر قلب ایدی. و بو قلب یالکیز سیاسی دکادی. دها زیاده اجتماعی ایدی، که فتابک بو نوعی دنیا نك هیچ بر یرنده کوروله نشدی. اداره صرفیه آتیده انقلاب اجتماعی یابلمق ایسته ندیگنی بر اولنرده کوردک، برده شیمدی بولشه ویکارده کوریوروز. بر مائتک احوال اجتماعی سی جبراً دیکشدریمک طبیعته قارشى یورومکدن باشقه بر شی دکدر. ایسته هب او چیلینه نقلرک نتیجه سیدرکه مائتک احوال ماده و معنویه سی بک الیم و جمیع بر شکله کیرمش اولدی.

واضح بر صورتده کورولور که شروطیت دوری تنظیمات دستورلرینی دها اساسی و جذری صورتده تطبیق ایدن ایکنجه بر تنظیمات حرکتی شکله کیرمشدی. مجادله انکله ارددک دیدیکی وجهله، مجادله عینی مجادله ایدی: « هیئت اجتماعیة اسلامیة بی هیئات اجتماعیة خریستیانیه یا قلاشدریمق، یعنی اسلام دن اوزاقلاشدریمق! اورته ده کی مانه بی (یعنی دینی) بو سبتون ازاله ایدرک حکومتی عالم خریستیانینده اولدینی کی قوانین دینیه نك تاثیراتندن آزاده لایک بر حاله کتیرمک!، برنجی دوره ده کی تنظیمات تجیلر بر درجه به قدر خلقک اغبرار و انفعال دن چکیندکاری ایچون برنجی دستوری تامیله تطبیقه جدارت ایدم دکاری حالده مشروطیت دورنده کی تنظیمات تجیلر بو جساتی کندیلرنده کورمشار و جذری طبیعته باشلامشردی. شو قدر که زمان مساعده ایدیکی ایچون تامیله تطبیقه موفق اولامادیلر. وضیمتده بو یوک بر محمول حصوله کلدی. آناطولونک اورته سنده بو سبتون باشقه ماهیت بر ملت مجلسی تشکیل ایددی. و عنایت حقله مائتک زمام مقدراتی الیه آلدی.

شیمدی بو یوک ملت مجلسی غایت مهم بر مسئله قارشوسننده در: مائتک بنیه اجتماعیه سنه، احوال روحیه سنه تامیله یابانچی اولان او مؤسسات و قوانین ایله می تدویر امور ایدم جکدر، یوقسه مائتک روحیه، حسیاتنه، تمایلاتنه او یون بر خط حرکت می اختیار ایدم جکدر؟ یعنی بو مملکت و ملت ایچون بعض فلاکت اولدینی نجات عیدمه ایله ثابت اولان تنظیمات دستورلرینه توفیق حرکت ایدم رک اونى اکیاله می چالیشه جکدر؟ یوقسه تنظیماتک

وجوده کتیردیکی فرنک مؤسستاقی، فرنک قانونلرینی الفا ایدم رک تامیله و حقیقی بر صورتده اسلامی تشکیلات و موضوعاتی تأسیس ایدم جکدر؟ ایسته اساس مسئله بودر. هر شیدن اول بو مسئله نك تئییق اقتضا ایدر. چونکه بر کره بو تقرر ایدم کدن صوکره آلت طرفی قولایدر. هیچ بر مسئله نك حلنده کوجلاک چکیمز. معضل کورون بوتون مسائل داخلیه و اجتماعیه نك سهولته حل ایدیلر. دیک که بو یوک ملت مجلسنک قارشوسننده بو کون ایکی یول واردر:

- (۱) تنظیمات یولی،
- (۲) مسلمانلق یولی.

واقعا بو مجلس اجنبی استیلا سنه قارشى صرف مملکتی مدافعه مقصدیه تشکل ایددی؛ فقط حسن تدبیری سایه سنده مملکتده تأسیس وحدت ایله دولتی اضمه حلالدن قورتاردینی ایچون مائتک اعتمادینه مظهر اولمشدر. بناء علیه بو مجلس عالینک، مملکت ایچون بعض فلاکت اولان تنظیماتی دستورلرینه نهایت ویرمچک حقیقی بر اداره اسلامیة تأسیس ایدم جکده مائتک اطمنان نامی واردر. ذاتاً مجلسک اکثریت عظما اعتباریله حالت روحیه سی بو مرکزده اولدینی رعنا بر صورتده کورولمکده در. بر جوق اسلامی اجرا آتی بو نك دلیل باهریدر. بو یوک ملت مجلسی وحدت سیاسی بی تأمین ایله مملکتی اضمه حلال محققدن قورتارمسی اعتباریله تاریخ ملیدزده اک بارلاق بر موقعی احراز ایدیکی کی دولتمزک طبیعت اصلیه و مزاج اسلامی سنه مخالف اوله رق خارجدن کتیریلن اجنبی تأسیسات و نظریاتندن ده منق تخلص ایدرک حقیقی بر دولت اسلامیة تأسیس ایله اسلام تاریخنده بر هیفته غمرا کشادینه موفقی جناب حقدن نمنی اولدور. زیرا مسلمانلر اللهدن، پیغمبردن صوکره هر شیلرینی دولت و حکومتلرندن بکارلر. اسلامیتده روحانیت اولمادینی ایچون مسلمانلرک الله ایله آمه لر نده کی واسطه لری خوجه لری دکل، حکو تیلریدر. مسلمانلرکک منقمت دنیویه لرینک، کرک منقمت اخرویه لرینک آنجق دولت و حکومتله قائم بولوندینی بیلدکاری ایچون آنک او غورنده فدای جان ایتمی اک بو یوک فضیلت و ثواب عد ایدرلر. مسلمانلق هم اعتقادی و اخلاقی، هم اجتماعی و سیاسی بر مؤسسده در. دین اسلام انسانلرک هم مادی، هم معنوی بوتون احتیاجاتی اک مقبول واک متبدل بر صورتده تأمین و اطمین ایدم جک اساسات محکمه وضع ایشدر. بناء علیه مسلمانلق اخلاقیاتی اعتقاداتندن، اجتماعیاتی اخلاقیاتندن، سیاستی ده اجتماعیاتندن اتباس ایلر. او اوله حق، اوله حکیم و عادل و بو اوصافندن طولایی اوله انقسام نایدیر بر کل نامدر که انسان تأمین سعادت ایچون اوکاک هیئت مجموعه سنه رعایت عبوریتده در. بر مسلمانک دینیه قارشى اولان ارتباطی لازم الادا بر وظیفه وجودانیه سی اولدینی کی اوقوت و اهمیتده بر وظیفه اجتماعیه و سیاسیه سیدر. مسلمانلر کندی اسلامی اساسات و دستاویزنی قدا ایشکاری

اسلامیہ دن ہر ہانکی برقعہ مندرجہ معروض تھا اور اولان مسلمانوں کی آمد دینہ مبارکت ، اقطار ساڑھ دہ کی اسلامز اوزرینہ بر فریضہ در . اخوت خاصہ اسلامیہ دینی ، وجدانی ، حقوقی ، اجتماعی ثابت متین اساسی اوزرینہ مؤسسہ در کہ بوسایہ دہ انتشار واعتلائی اسلام دور لرنده ہر در لو جنسیت اختلافاتی ، قومیت منازعاتی اور تہ دن قالمشدر . احکام اسلامیہ بتون مسلمانوں کی احکام عمومیہ دہ متساویاً مکلف و یا مستفید ایدر . ویکسہ پی تفریق ایتمز . امتیازلی و مستشاهیج بر فرد و یا جماعت یوقدر . اسلامدہ ہم تربیہ فردیہ ، ہم تربیہ اجتماعیہ اساسی واردر . فردی وظائف فرض عینلرہ ، اجتماعی وظائف فرض کفایہ لرہ تئیت اولمشدر . اسلامیت مسلمانوں کی وحدت فکریہ و سیاسیہ لرنی تأمین ایدہ چک ، اک متین احکام اجتماعیہ وضع ایشدر . مسلمانوں کی ادیان ساڑھ کبی ، بالخاصہ خرسیتیا نلقده اولدینی کبی ، حیات معنویہ بہ انحصار ایتمز . مسلمانوں کی تکامل فردی و بالخاصہ تکامل اجتماعی و سیاسی سایہ بندہ علی الاطلاق بشریتی اولاً و بالذات بودنیادہ ، ثانیاً دار عقبادہ مسعودیتہ ایصال و کالہ مظهر ایتمکدر . دین اسلام بتون احکامندہ عقل بشرہ خطاب ، فطرت بشرہ استناد ، تکامل بشری استهداف ایدر . اسلامک وضع ابتدایی دستور لرنی دینی ، دنیاسنی تمقلہ قادر بر ہیئت اجتماعیہ حصولہ کتیر مشدر . اسلامک اوصاف کاشفہ حقوقیہ سی ، عدالت ، طاقتیہ استناد ایتمی و منحصر ا سعادت امتی استهداف ایتمی در . بناء علیہ حکمت و معذات ایلہ تسانندی ، خلاف عقل و طبیعت اولان تمایلات و احتراماتدن تباعدی ضرور ایدر ، صنوف اجتماعیہ تکاملی ، ہیئت اجتماعیہ تک اقبال و استقبالنی ضامندر . مسلمانوں کی معظم بر انقلاب وجودہ کتیرش ، الی لابد بشرک ناظم مقدراتی اولہ حق احکام عالیہ وضع ایشدر . اسلامک قوای متینہ سی ، دساتیر فطریہ سی ہر عصرہ ، و اوقدر .

اسلامک اوصاف کاشفہ تاریخیہ سی : سیاست فردیہ سندہ فدا کارلق ، سیاست خارجیہ سندہ استعلا ، سیاست داخلیہ سندہ دہ انقیاددر . اسلام سیاست فردیہ سندہ حیات افرادی حیات اجتماعیہ بہ ، منافع اشخاصی دائماً منافع عمومیہ بہ ربط ایلمش و او بولده تعلیم و تربیہ ایشدر . اسلامدہ استعلا : اعلائی کلمہ اللہ ، یعنی توسیع حکومت ، تنفیذ حکایت صورت لرنده تظاهر ایتمشدر . اسلام عزت ایلہ ، اعتلا ایلہ آمردر ، (الاسلام یملو ولا یعلی علیہ) اک بویوک واک برنجی دستوردر . اسلامدہ ذلت و اسارتہ تحمل یوقدر . اسلامدہ عطالت و سؤتوکل یوقدر . سیاست داخلیہ سندہ کی انقیاد ایسہ ، (انما الطاعۃ فی المعروف) حدیث شریفی ، و چونچہ قانون حقہ اطاعت ، قانون محمدینک بلا مقاومت سلطنت عظیمہ شیدر .

ادبہ بو قدر عالی ، بو قدر معظم اساسی اوزرینہ قورولان اسلام وحدت اجتماعیہ سنک برنجی تظاہری وحدت حاکمہ ، ایکہ جیسی

تقدیردہ ہم حیات معنویہ لرنہ ، ہم موجودیت ملیہ و اجتماعیہ لرنہ قصد ایلمش اولدینی بیلدکری ایچون کندی اساسات و دساتیر اسلامیہ لرنہ یا باجی اولان افکار و نظریاتہ قارشی بک طبیعی اولہرق بر حسن نفرت یسلرلر . حریت ، مساوات و نساوت اسلامک سجایای مخصوصہ سیدر . بین الاسلام صنوف و طبقہ فرقلری ، رحمان و محکمہ لری یوقدر . اسلام خالق حکومتہ ، حکومتک خالقہ قارشی وظائفنی ، اولرنده کی نساوتی تعیین و محدود ایدرک موازنہ سیاسیہ تک حصولنی تأمین ایتمشدر . هیچ بر شکل حکومتہ تھید ایلدیکی انہ لری ، حقوق و وظائف متقابلہ لرنہ حرمت و رعایت شرطیلہ ، احتیاج لرنہ کورہ حرکتندہ حرور سربست بر ایشدر . وضع ابتدایی دستور لرنی فطرت انسانہ بہ تمایلہ موافقدر ، بناء علیہ ایدر ، زمان ایلہ مقید دکدر . بشر یا شادانچہ اولدن عالی بر دستور کشف ایتمشہ احتمال یوقدر . مثلاً قورہ اجرایہ ایچون وضع ابتدایی دستور لرنہ کہ امانی اہلنہ تردیع ، بین الناس عدالتہ اجرای حکمدن عبارتدر . بشرک سعادتنی تأمینہ کافل اک مهم حقوق اساسیہ در . بتون دنیانک حقوق شناہ لری بر آریہ طویلانسہ بود . تور لرنی عالی بر اساس وضعنہ مرفق اولہ مازلر . اسلامک بتون احکامی محض حکمتدر . اسلامدہ حکومت : قوانینک اجرائی ، وحدت اجتماعیہ و شوکت سیاسیہ تک انتظام و کالیک محافظہ سی ، حقوق دینیہ و مدنیہ تک مدافعہ سی ایلہ مکلف بر ہیئتدر . اسلامدہ حاکمیت قانوندہ در . روح اسلام ، اہالینک مولاسی ، صاحبی ، متحکمی بر حکومت تشکیلہ قطعاً مساعده ایتمشدر . وظائف حکومتی ایفا ایدن اشخاص ایچون نہ حقوق مخصوصہ ، نہ دہ خصوصی عنوانلر ، امتیازلر موجود دکدر . بتون ملوک و امرا ، عبئی افراد کبی ، قانون کلی بہ تبعیتلہ مکلفدر . حتی حکومتک بالذات حل و عقد اقتداری دہ یوقدر . اسلامدہ قوانینک حادثاتہ تطبیقی بیلہ منافع عمریہ بہ توفیق ایدیلیر . یوقسہ ملوکک ، امرا و حکامک ارادہ ذاتیہ لری و مقاصد خصوصیہ لری تطبیقاتدہ مؤثر اولہ ماز .

اسلامیت - اور و پادہ اولدینی کبی - نفوذ سیاسی بی ، یا خود مستننا بر امتیاز و صلاحیتی حائز بر موجودیت روحانیہ یوقدر . وظائف ارشادیہ بی و علوم دینیہ بی افراد اسلامیہ کندی آر لرنده تداول ایتدیر لرنہ . تدریسات دینیہ بی ایفا ایدن مدرسہ لرنہ معلمیندن باشقہ بر شی دکدر . اسلام ، معبود ایلہ عابد آر سندہ واسطیہ احتیاج و لزوم کورسترمہ مشدر . ہر کس عبادت دہ ، امامت دہ ایدہ بیلیر .

اسلام اصالت و زادکانلق ایچون احکام استثنائیہ بی دہ رد ایشدر . بناء علیہ اسلامدہ اور و پادہ اولدینی کبی زادکان نامیلہ بر صنف ممتاز یوقدر . اسلامک تشکل اجتماعیہ سندہ اخوت ایلہ مساوات ایکی دستور معظمدر . خیر و تقوادہ تعاون ، حقوق متقابلہ لرنی مدافعہ ، فلاکت و مصائبہ قارشی مظاہرت ، یکدیگرینک فال و جانی وقایہ ایلہ مکلفدر . حدود

وحدت ملت و اوچنجیسی ده وحدت ریاستدر . یوز میلو نلره  
 مسلمان قرآن کریمه برله شیر . هیچ بر مسلمان ملت عامه اسلامیه تک  
 بداهه ضررینه اوله رق کدری تردیتک ، کندی قیمنک و ایتنک دیکر  
 اقوام اسلامیه قائل و قائل اولسنی ، دیکر لرینک مغلوب قالمسنی  
 ایستیه من . وحدت و شوکت اسلامیه بی محافظه ایچون بو اک بو یوک  
 بر اساسدر . وحدت ریاست ایسه کرک دینه ، کرک داره و سیاسته شانلدر .  
 والحاصل اسلام ، قوتلی بر حکومت اداره سنده قانونی بر جمعیت  
 تأمین ایدرک بوجمیتک اقرادینه قوانین عادلانه تحت کفالتده حقوق  
 فطریه تأمین ایدن ، فردک و جمعیتمک انکشاف و تعالیسی ، مادی  
 و معنوی ترقیسی ایچون هر درولو و شائی ارانه ایله یین بر دین اجتماعیدر که  
 بر وقتل تاریخ ظالده قدرت ، عزت ، مکنهات و بین الملل مدینه تیجه نظیری  
 کورولمه یین خلفای راشدنی ، دولت ادویه ، عباسیه ، عجمیویه ، سلجوقیه  
 و عثمانیه بی یاشامش و امت اسلامیه بی هر بریده بلع اولونمقدن حیانت ایتشدن .  
 بنامعلیه متفکر لرینک ، اولای امورینک بودر جهلده اهمیت  
 و خدوصیتی حائر اولان اسلام فایه سنی اس اساس سیاست و اجتماعیات  
 طائیرلی ، ذمه اسلامده کی بومعظم ، وحدته نظر احترام ایله باقرق  
 اللرندن کلدیکی قرآنی محکم و تقویه به جالیتملری اک متمم وظیفه لریدر .  
 شو حقیقت کونش کی ظاهر در که مسلمانلر ایچون فوز و فلاح نجح  
 دینارینه صم صیقی سار یلقده در . اسلامدن اوز اقلاشمق ، اجنبی مؤسسات  
 و قوانینی ایله تأمین موجودیتیه جایش قی اقر اض محققدر ، موت کلیدر .  
 ( یا ایها الذین من آمنو بر تدمنکم عن دینه فسوف یأت الله بقوم یحکمهم  
 و یحجونه اذلة علی المؤمنین عزه علی الکافرین یجاهدون فی سبیل الله ولا  
 فون لومة لائم ذاک فضل الله یؤتی من یشاء والله واسع عليم )

اشرف ادیب

### مجدد لر

قرآن کریمک بزه وعد و نبشیر ایتدیکی وجهله حق تعالی اهل  
 ایمانی ، پر یوزنده ، اولجه ، حکمران ایتدی کی ، حاکم قیله حق ؛  
 اولر ایچون ایتمک ایتدیکی دینی پر یوزنده تأسیس و اولرک اندیشه لرینی  
 آمن و اطمنانه تحویل ایدم جکدر . (۱) بو وعد الهی یالکیز پر یوزنده  
 اسلام دولتک تأسیس دکل ، بقا فی ده ، رسالتینا افندیزه وارث  
 اوله حق خلفلرک کوندر به جکفی ده ، مسلمانلرک پر یوزنده حاکم بر ملت  
 اوله جقلرینی ده . نبشیر ایدیور .  
 بومواعید الهی بی تضمن ایدن آیت کریمه ده و ازد اولان اولجه  
 پر یوزنده حکمران اولان ملتلردن مقصد بالخاصه بی اسرائیلدر . (۲)  
 مسلمانلر و آیت کریمه تک وحی اولندی بی زماننده هر طرفدن دشمنانلره  
 محاط ایدیلر . مسلمانلر اندیشه ایچنده لر دی ، هر بیستان مشرکانه طولوایدی .  
 ( ۱ ) سورة نوح ، ۵۵ نجی آیت . ( ۲ ) قاضی بیضاوی .

« یوز » سوره سنده نبشیر اولسان بو ظفریت عظما  
 یوقارنده مالاً نقل ایتدی کیز آیت کریمه ایله اک واضح و اک  
 قطنی صورتده تائید اولمقدن بو آیت کریمه ده کی وعدا الهی  
 اسلام سلطنتک تأسیس و مسلمانلرک برده ارض موعوده بی انراشیه خلف  
 اوله جقلرینی نبشیر ایدیور و بی اسرائیلی اصلاح ایتک ایچون بیغمبرلر  
 کوندره یالیدی کی مسلمانلر ده مجددر کوندر به جکینه اشارت ایدیور .  
 بو اشارت سجانیه رشول کریم افندی مکز که محقق جناب حق هر عصرک  
 باننده مسلمانلر دینلرینی تجدید ایدم جک . بر مجددر کوندره جکی .  
 حقیقه وارد اولان حدیث شریفلر به توضیح ایدیور . بناء علیه بو  
 آیت کریمه ده کی وعدا الهی یالکیز اسلامک سلطنت ذنبویه سنه دکل ،  
 سلطنت معنویه سنه ده اشارت واردر .  
 الحاصل مسلمانلر ایچنده دینی مجددرک اهم ظهوری قرآن کریم  
 طرفدن بیان اولمش ، رسول الله افندی بر طرفدن تأکید ایدلمش بر  
 کیفیت در ، نیته کیم اون اوچ عصر دن بری هر عصر ده ظهور ایدن مجددرین  
 اسلامیه تک اسملری برر بر صابیلور .  
 مجددرک وظیفه سی نه در ؟ دین اسلامک تبتدیکی حقائقه دعوت ،  
 عصرک احتیاجلرینی تدقیق ، مسلمانلرک دوچار اولدق لری خسته لقلری  
 تشخیص و تدایوی در . پر یوزنده اسلام حاکمیتک دوامی نبشیر ایدن کتاب الله ،  
 هر عصر ده بر مجددر دینک ظهور ایدم جکینی تأکید بیوران رسول الله  
 مسلمانلرک عظمت و اقبال شاهقه لرندن دوشم جکلرینی ، دساتیر اسلامیه بی  
 بر کون اهمل ایدم رک وحدت مایه لرینی گوشه ته جکلرینی ، الحائل بو  
 کونکی کال تامله کوردیکمز سقوطلده دوچار اوله جقلرینی البته بیلیور لر دی .  
 فقط بوکی تدنیلرک موقت بر ماهیتی حائر اولدیغنی ، بوکی تدنیاتک  
 اسلام سلطنت مادیه و معنویه سنی تهیدید ایدم جک بر شکل المسنه ظهور  
 ایدم جک مجددرک مانع اوله جقلرینی و مسلمانلرک مجددر بر قدرته  
 ینه اسکی موقعلرینه اغلا ایدم جکلرینی نبشیر ایدیور لر .

شیمدی به قدر هب کوردک : اسلام سلطنت مادیه سنه و ورولان  
 هر ضرره مسلمانلرک فعالیتنی تزید ایتک ، یکی سلطنتلر قورمه لر سنه سائق  
 اولمق بی نتیجه لر و برمش و بو صورتله وعدا الهی تحقیق ایدم جکلدر .  
 اسلامک سلطنت معنویه سنه کنجه بالخاصه عصر اخیر طرفنده علم  
 و مدنیت اعتبارله کری قالمقغمز و بر عصر دن بری دوام ایدن مساعی  
 قاصرانه مرکز مثبت بر نتیجه و بر مسمی اوزرینه دیاریمزه چوکن ظلمتک  
 بر مجددر دینک ظهور به بیدرینی زائل اوله جقنی ده محققدر . شیمدی به  
 قدر اسلام دیارنده دینی مجددرلر اکسیک اولممشدر . بوندن بویله ده  
 اکسیک اولم جقنه ایمانمز بر کالدر . کتاب کریمک وعد بیوردیقی  
 وجهله اسلامک سلطنت مادیه ، و معنویه سی دایما پادار و حاکم قاله جق ،  
 مسلمانلرک اندیشه لرینی آمن و اطمنانه بیدل اوله جقدن .  
 « آتشم »